



NORSPIS

Norsk kvalitetsregister for
behandling av spiseforstyrrelser

Pasientajda gudi li 16 jagága jali vuorrasabbo

Diehtajuohkemttjála Norsk kvalitetsregister for behandling av spiseforstyrrelser (NORSPIS) birra

Dát la tjála diedoj Norsk kvalitetsregister for behandling av spiseforstyrrelser (NORSPIS) birra. Gåhttojop duv álles tjállaga tjadá láhkát. Válde aktijvuodav giehtadallijn sierratjehppe varresvuodadievnastusán jali NORSPIS:ajn jus la mige man birra juorrula.

Manen dáv diehtajuohkemttjállagav oattjov?

Dáv diehtajuohkemttjállagav oattjo danen gá dán la átsådime vuolen jali giehtadallamin sierratjehppe varresvuodadievnastusán nágin bárrámmasjvalisvuoda diehti. NORSPIS tjoahkki diedojt divna pasientaj birra gesi dát guosská. Tjállagin gávna diedojt gáktu NORSPIS giehtadallá ja adná diedojt duv birra, makkir rievtesvuoda dujna li, ja gáktu máhtá dajt rievtesvuodajt ávkástallat.

Majt hæhttuv dahkat?

I dárba ma majdik dahkat jus dáhkkida duv diedo vuorkkiduvvi ja aneduvvi dagu dán diehtotjállagin gávviduvvá. Jus i sidá diedo duv birra galggi vuorkkiduvvat ja NORSPIS:an aneduvvat, de hæhttu vuornnot (gehtja vuollelin).

Mij la NORSPIS?

NORSPIS la nasjávnnálasj medisijnalasj kvalítiehttaregistar, mij tjoahkki diedojt divna pasientaj birra gudi átsáduvvi jali giehtadaláduvvi bárrámmasjvalisvuoda diehti vuona sierratjehppe varresvuodadievnastusán. NORSPIS:a ulmme I: 1) oahppat ienebut bárrámmasjvalisvuodaj ja daj giehtadallama birra, 2) buoredit giehtadallamfálaldagáv mij vatteduvvá. Ietjá oasseulmme NORSPISAJN la viehkedit bárrámmasjvalisvuoda dutkama hárráj. Nordlándá skihppijviesso VV vásstet regisstara ávdås, ja bærrájgæhttjá persávnna- ja varresvuodadiedo regisstarin jasskis láhkáj giehtadaláduvvi, váj persávnna-suodjalimev ja sjávodisvuoda vælgov állidip. Helseregisterloven ja Forskrift om medisinske kvalitetsregistre mierredi gáktu NORSPIS dájmaduvvá.

Makkir diedo viettjaduvvi ja NORSPIS:aj vuorkkiduvvi, ja gásstá da viettjaduvvi?

Diedo ma registrieriduvvi li namma, riegádimnummar ja vásstádusá gatjálvissjiemán dujsta ja giehtadalles giehtadallama álgo ja lårpa rájes. Dábálasj la pasientav gåhttojot gatjálvissjiemáv dievddet oassen átsádimes sierratjehppe varresvuodadievnastusán. Sjiemá li bárrámmasjvalisvuoda birra, ja gáktu skihpudahka ja árggabiejvve I. Duodden vássteda gáktu giehtadallam la læhkám ja makkir ávkke I dassta læhkám. Oattjo aj gatjálvissjiemáv NORSPIS:as jagev manjela gá giehtadallamijn la állim.

Giehtadalle/giehtadallamsadje vásstet gatjálvisájda makkir bárrámmasjvalisvuoha I, ietjá skihpudagá, makkir giehtadallamav li vaddám ja muhtem medisijnalasj gatjálvisájda dagu man lássát ja allak la. Ihkap giehtadalle/giehtadallamsadje pasientajournálan læhká, váj bærrájgæhttjá giehtadallamdiedo majt NORSPIS:aj tjállli li duolla. NORSPIS máhtá aj dajt ja muodugasj diedojt viedtjat Norsk pasientregisteris.

Namma ja riegádimnummar tjáleduvvi váj diedo riehta ulmuttij tjanáduvvi. Dáv dahkap váj lip állu vissása NORSPIS diedo li duolla, váj máhtte pasientav ájge nalluj tjuovvolit jus moatten sajen giehtadaláduvvá, ja váj galggá buktet NORSPIS dáhtájt ietjá regisstarij buohtastahttet. Dássju sij gudi regisstarij bessi oadtju gæhttjat gesi diedo gulluji. Juohkahattjan guhti regisstarij bæssá la sjávodisvuoda vælggo. Diedo ihkevájggáj regisstarij vuorkkiduvvi, jali nav guhkev gá NORSPIS dajt dárba.

Gáktu NORSPIS diedo aneduvvi?

NORSPIS diedo máhtti dássju aneduvvat dagu I NORSPIS ulme ja njuolgasusáj milta mierreduvvam. NORSPIS diedo aneduvvi rappártájt ja statistihkajt dagátjit. Bæssá NORSPIS:as diedojt áhtsát adnet kvalítiehtta- jali dutkamprosjevtajda, aj institusjávnnáj rastá (buojkulvissaj moatte skihppijvieson). De galggi prosjevtá dáhkkiduvvat guoskavasj ásadusájs, gánná dat gájbbeduvvá. Diedo dábálattjat gálggiduvvi namáj, riegádimnummarij jali ietjá diedoj dagi majt máhtá dábddát, muhtem kávdá baktu mij pasientav ietjas diedojda tjadná. Ihkap báhti sierra ánodime duodde diedojt buvtátjit, buojkulvissaj dutkamprosjevtajs, valla dajt besa hilggot. NORSPIS persávnna-diedo máhtti aktij biejaduvvat (buohtastahdeduvvat) ietjá regisstarij diedoj. Divna almoduvvam báhtusa ja statistihka ma adni NORSPIS diedojt, li namádis, navti ij máhte ájnegas pasientav gávnnat.

Duv rievtesvuoda:

Dujna l rievtesvuolta mierredit i galga NORSPIS:aj oassálasstet. De galga vuornnot. Dáv besa dahkat akta ber goassa sidá, váni makkirak siváv tjállet ja dat ij sjatta vájkkudit duv giehtadallamij dálla jalik boahhteájggáj. Jus vuorno, de NORSPIS diedo ierit sihkoduvvi. Besa ánodit gæhtttjat diedoht duv birra ma li vuorkkiduvvam, ja vigijt duollit. Besa aj gæhtttjat gudi li bessam vuojnnet jali oadtjum varresvuodadiedoht ietjat birra. Besa Nordlándá skihppijvieso persávnnsuodjalimoahhtses viehkev ánodit. Jus miejnni diedo iethtjat birra boasstot giehtadaláduvvi, de besa Dáhtábærrággæhtttjuj jali Stáhta varresvuodagæhtttjuj gujddit.

Gáktu vuorno

1. Máhtá juogu de: Helsenorgen vuornnot. Lággi sisi www.helsenorge.no ja dieddela namát -> Profil og innstillinger -> Personverninnstillinger. Dieddela boalov «Endre innstillinger» válljimin «Forskning, screening og helseregistre». Vállji «Norsk kvalitetsregister for behandling av spiseforstyrrelser (NORSPIS)», dieddela «Reservasjon mot lagring av personopplysninger i NORSPIS». Ruossista ja dieddela «Jeg reserverer meg».
2. Jali: Válde aktijvuodav NORSPIS:ajn, de duv ávdås vuornnop. Oattjo tjálasaj duodastusáv dán la vuorndum diehtjuohkemis.

Ienep diedo

Mijá næhttabielen norspis.no vuojná:

- Makkir diedoht NORSPIS registrieri.
- Aktelt diedo gáktu regisstará diedo li aneduvvam.

Gáktu NORSPIS:ajn guládallat

- Telefávnna: 75501081
- E-poassta: norspis@nlsh.no (Ale hielles diedoht epásta baktu sáddi)
- Poasstaadræssa: NORSPIS, Nordlandssykehuset HF, Regionalt senter for spiseforstyrrelser, Postboks 1480, 8092 Bodø

Nordlándá skihppijvieso persávnnsuodjalimoahhtse guládallamdiedo

- Telefávnna: 75571927
- E-poassta: personvernombudet@nordlandssykehuset.no (Ale hielles diedoht epásta baktu sáddi)
- Jus sidá persávnnsuodjalimoahhtse birra ienebut diehtet: www.nlsh.no

Dáhtábærrággæhttjo guládallamdiedo

- Telefávnna: 22396900
- Poasstaadræssa: Datatilsynet, Postboks 458 Sentrum, 0105 Oslo
- Jus sidá ienebut diehtet gáktu besa gujddit ja makkira duv rievtesvuoda persávnnsuodjalime hárráj li: www.datatilsynet.no

Stáhta varresvuodabærrággæhttjo guládallamdiedo

- Telefávnna: 21529900
- Poasstaadræssa: Statens helsetilsyn, Postboks 231 Skøyen, 0213 Oslo
- Ienep diedo: www.helsetilsynet.no

Gijtto gájkajda gudi li NorSpis:ajn viehkeda!